



UNIVERSITÄTS-
BIBLIOTHEK
PADERBORN

Universitätsbibliothek Paderborn

Lignvm Vitae, Ornamentum, & Decus Ecclesiae

In Qvinque Libros Divisvm. In quibus, Totius Sanctiss. Religionis Divi Benedicti initia; Viri Dignitate, Doctrina, Sanctitate, ac Principatu clari describuntur: & Fructus qui per eos S. R. E. accesserunt, fuissimè explicantur

Wion, Arnold

Venetiis, 1595

Scriptores de littera H. cap. LXIX.

urn:nbn:de:hbz:466:1-38372

gregationis Cluniacensis, qui claruit anno Domini 1178. scripsit:

De uita S. Guthlaci monachi, lib. 1. heroico uersu.

De uita S. Birini Episcopi, lib. 1.

De uita S. Neoti monachi carmine, lib. 1. tali exordio,

Anglia quæ toto.

De eodem profa, lib. 1. Beati Neoti confuitam,

De translatione eiusdem, lib. 1.

F. Guntherus, Belga, dictus Ligurinus, monachus Elnonensis S. Amandi, congregationis Cluniacensis, qui floruit temporibus Friderici Barbarossæ Imp. anno Domini 1160. poeta suo tempore nulli secundus, scripsit


Passionem S. Ciriaci carmine, lib. 1. quæ extat cum nonnullis Epistolis eiusdem.

De oratione, ieiunio, & eleemosyna, lib. 13. excusi sunt Basileæ anno Domini 1504. uel 1507. per Michaellem furter.

De rebus gestis Friderici Barbarossæ Imp. quod opus intitulatur Ligurinus, lib. 10. excusus, Argentorati anno Domini 1531. & Basileæ cum Othone Frisingensi Episcopo, anno 1569. in fol. & Francofurti anno 1584. cum scholijs Iacobi Spiegel, in fol.

De rebus Germanicis lib. 1. nondum impressum.

Scriptores de Littera H. Cap. LXIX.

F.  ARTMVNDVS, Germanus, monachus monasterii S. Galli in Heluetiis, congregationis Luxouiensis, qui floruit anno 870. scripsit multa opuscula, tam metro, quam profa, quæ qualia sint ab auctoribus non recitantur.

F. Haymo, monachus Eboracensis, congregationis Floriacensis, siue Giribennæ, circa annum Domini 1010. scripsit Martyrium S. Abbonis Abbatis Floriacensis, lib. 1.

F. Haymo monachus Floriacensis, Gallus, circa annum Domini 1020. floruit & scripsit De uita s. Abbonis Abbatis, lib. 1.

Historiam a Iustiniano Imp. ad Carolum Magnum. lib. 1.

F. Haymo Germanus, monachus, & Pater Hirlaugiæ cong. Clunia. reformatæ, circa annum 1100. scripsit

De uita s. Gulielmi Abbatis, lib. 1.

dd 4 F. Hed-

F. Hedda, Anglus, monachus Vintoniensis, Congregationis Benchorensis, scripsit Ad ecclesiarum pastores, lib. 1.

Epistolarum ad diuersos, lib. 1.

Obit anno Domini septingentesimo quarto.

F. Heddius Stephanus, Anglus, monachus Cantuariensis, congregationis Giribennæ, adhortante S. Acta Episcopo Hagulstadenfi circa annum Domini 720. scripsit De uita S. Vuilfridi Archiepiscopi Eboracensis, lib. 1.

Frater Hedericus, Italus, monachus monasterij S. Gregorij Papæ, S. Andreae Romæ, congregationis primæ Benedictinæ, circa annum 640. ex scriptis Diui Gregorii in Iob, sententiarum librum composuit.

F. Helinandus, Gallus, monachus Frigidi montis, congregationis Cluniacensis, anno circiter 1200. scripsit Historiarum a principio mundi, lib. 48. De reparatione lapsi lib. 1.

Sermones plures. Epistolarum ad diuersos, lib. 1.

Nonnus Helpericus, Germanus, monachus S. Galli, congregationis Cluniacensis, circa annum 1070. scripsit

De computo ecclesiastico lib. 1. De musica, lib. 1.

Frater Henricus de Bruxellis, monachus Hassligemensis, congregationis Cluniacensis circa annum Domini 1310. scripsit

De ratione computi, lib. 1. De ratione Calendarii, lib. 1.

Epistolarum ad diuersos, lib. 1.

D. Henricus, Comes a Caluue, monachus, & Abbas Augiæ diuitis, congregationis Cluniacensis, qui floruit anno 1210. scripsit

De uita s. Pirminij, primi Augiensis Abbatis, lib. 1.

D. Henricus Gulpen, Germanus, Abbas monasterij S. Aegidii in Nuremberga, congregationis Bursfeldensis tunc primum incipientis, I. V. D. qui claruit in Concilio Constantiensi anno Domini 1430. scripsit Super septem distinctionibus de Pœnitentia, lib. 1.

Super distinctionibus de consecratione, lib. 1.

De passione Domini, lib. 1.

Frater Herebertus Losinga, monachus Anglus, congregationis Cluniacensis, ad Anselmum Episcopum circa annum 1110. scripsit

Contra malos Sacerdotes, lib. 1. De fine mundi, lib. 1.

D. Herigerus, Abbas Laubiensis, congregationis Cluniacensis, qui uixit anno Domini 990. scripsit dialogorum

De dissimantia ecclesiæ, lib. 1.

De corpore & sanguine Domini, lib. 1.

De

De diuinis officiis, lib. 1. De quaestionibus, lib. 1.

Gesta Episcoporum Lobienſium, lib. 1.

Vitam S. Vrsuarii carmine, lib. 1. qui est Gemblaci MS.

Frater Hieronymus Lauretus, Ceruariensis, Hispanus, monachus Montisferrati, & Abbas cœnobii S. Felicis Guixolensis, congregatio nis Montisferrati, circa annum Domini 1566. mysticos, & literales, rotius sacrae scripturae sensus complexus, synceris Theologiae candidatis perutile ac necessariam composuit, Syluam allegoſiarum rotius sacrae scripturae: quae impressa est Barcinonae anno 1570. in folio, Parisijs anno 1583. in fol. & Venetijs 1575. in 4.

D. Hieronymus Cathaneus, Patauinus, monachus S. Iustinae de Padua, congregationis Casinensis, alias S. Iustinae, scripsit eleganti stylo Vitam S. Prosdocimi Episcopi. lib. 1.

Vitam S. Iustinae virginis & martyris, lib. 1.

Puto eas asseruari in eodem S. Iustinae cœnobio. Obijt Roma anno Iubilei 1575.

D. Hilarion Genuens, monachus S. Nicolai de Buschetot, congregationis Casinensis alias S. Iustinae de Padua, scripsit Commentaria siue Animaduersiones in sacrosancta quatuor Euangelia, in duabus sectionibus diuisas, in prima Mattheus, & Marcus, in secunda Lucas & Ioannes, impressae sunt Brixiae anno 1567. in 4. & item ibidem anno 1578. in 4.

De amore erga Deum orationes, 23. excusae Brixiae 1581. in 4.

De cambijs, lib. 1. impressum Brixiae in 4.

Sermones ad Sanctimoniales idiomaſe Italico doctissimos, nec omnibus passim penetrabiles, excusos Brixiae, 1565. in 4.

Obijt Genuae anni fallor, 1585. & in monasterio suo sepultus est.

D. Hilarion, monachus SS. Nazarij & Celsi Veronae, congregationis S. Iustinae de Padua, quae nunc Casinensis uocatur, scripsit circa annum Domini 1516. Paraphrasim in Rethoricam Hermogenis quae typis excusa est Venetijs anno 1523.

De vita S. Simeonis monachi, qui in monasterio S. Benedicti de Mantua requiescit, lib. 1.

Appendicem ad uitas SS. Voraginis, lib. 1. qui excusus est Mediolani apud Iacobum de la Ripa 1494. in 4.

De translatione S. Georgij martyris, lib. 1.

Cogis me pater, est MS. in s. Georgio maiore.

De translatione Brachii eiusdem Sancti ad monasterium S. Georgii, lib. 1. est MS. ibidem.

Frater

Frater Hildericus, monachus Casinensis, & Pauli Diaconi discipulus, circa annum Domini 800. scripsit De uita magistri sui Pauli uersus pulcherrimos, lib. 1.

D. Ilduinus, Abbas monasterii S. Dionysii extra Parisios, congregationis Floriacensis, qui floruit anno 840. scripsit

De uita S. Dionysii Episcopi & martyris utroque stylo, carmine, uidelicet, lib. 4. & prosa, lib. 1.

Prosa cum quibusdam aliis eo pertinentibus habemus in Arcopagiticis D. Matthæi Galeni Vuestcapellii, Cancellarii almæ Vniuersitatis Duacensis, Coloniae 1563. excusam. Libri autem quatuor metro conscripti, asseruantur in monasterio Gemblacensi in Belgio MS. De reuelatione eiusdem lib. 1. qui est MS. in Parco, monasterio iuxta Louanium.

Frater Hillinus monachus Corbeie Gallicæ, congregationis Floriacensis, scripsit utroque stylo carmine scilicet & prosa, Martyriū S. Foillani episcopi, & martyris, lib. 2. Qui asseruatur MS. in monasterio S. Foillani extra Rhodium in Gallis.

Frater Honorius, monachus in Anglia, & pro Christi amore inclusus, qui floruit anno Domini 1080. scripsit

Quæstionum, & responsionum diuersarum, lib. 1.

Epistolas multas ad compunctionem utiles.

Do. Honorius, Augustodunensis solitarius, monachus & Abbas, qui floruit anno Domini 1120. multa scripsisse fertur, inter que sunt

In hexameron, lib. 1. In totum psalterium, lib. 1.

In Cantica Canticorum, lib. 1. In principiis librorum.

Elucidarium, lib. 1. De libero arbitrio, lib. 1.

Sigillum s. Mariæ, lib. 1. Dicis nos mirari.

Speculum ecclesiæ siue sermonum, lib. 1.

Offendiculum de sacerdotibus, lib. 1.

De Deo & uita æterna, lib. 1. De corpore Domini, lib. 1.

De anima, lib. 1. De Papa, & Imperatore, lib. 1.

In euangelia, homiliarum, lib. 1.

Pabulum vitæ de Sanctis, lib. 1.

Scalam cæli de gradibus uisionum, lib. 1.

Refectionem mensium de festis, lib. 1.

Dialogum ex opusculis s. Augustini, lib. 1.

Epistolarum ad diuersos, lib. 1.

Summam historiarum, siue chronicorum, magnum opus, erat olim

olim apud Lazium, sed nunc est in Bibliotheca Imperatoris Viennæ, MS.

De luminaribus ecclesiæ, li. 1. excusus est Colonia anno 1580. in 8. cum reliquis scriptoribus ecclesiasticis.

Gemmam animæ, lib. 1. excusa est Colonia cum reliquis scriptoribus De ratione diuinorum officiorum, anno 1568. Romæ anno 1590. in folio, & Venetiis in speculo missæ anno 1572. in 8.

De imagine mundi, lib. 3. excusi Spiræ anno 1583. in 8.

Nonnulla opera superius citata feruntur impressa magna ex parte Basileæ & Colonia, ea tamen nondum uidi.

A N N O T A T I O.

A Tritemio de scriptoribus ecclesiasticis, & nonnullis alijs, vocatur hic Honorius, presbyter & scholasticus Augustodunensis, at ex operibus eius quæ extant, colligere licet eum monachum fuisse, & protali agnoscitur a F. Nicolao Aurifco Carmelita Senensi in speculo missæ, & Melchiore Hittorio in prolegomenis scriptorum de diuinis officijs, qui simul excusi sunt Romæ anno 1590. in fol. a quibus duobus monachus, & Abbas vocatur, sed ubi non explicant.

D. Honorius a Panhormo, Siculus, monachus s. Martini de Scalis iuxta Panhormum, Congregationis Casinensis, alias s. Iustine de Padua, vir græce & latine doctus, qui floruit anno 1570. scripsit, Grammaticam græcam, lib. 1. quæ afferuatur in Bibliotheca eiusdem cœnobij MS.

F. Hugbaldus, Gallus, monachus Elnonensis S. Amandi, congregationis Floriacensis, qui floruit anno Domini 880. scripsit ad Carolum Caluum Imp. mirabile opus 136. uersuum, in quo omnia uerba ab una Littera C. incipiunt, intitulatum

De laude Caluorum, lib. 1.

Carmina clarifonæ Caluis cantate Camæna: impressum Basileæ anno 1516. uel 1519. & ibidem anno 1546.

De arte musica, lib. 1.

De uita s. Aldegūdis primæ Abbatissæ Malbodii. li. 1. qui extat.

De uita s. Rictrudis Abbatissæ Marcianensis, lib. 1. scriptum anno 907. est excusus apud Surium Tomo 3. die 12. Maii.

Martyrium SS. Quirici & Iulitæ, lib. 1.

D. Hugo Abbas, dictus Farfitus, Gallus, monachus primum Sueffionensis, scripsit De miraculis per Beatam Virginem in ecclesia s. Mariæ Sueffionis factis, lib. 1.

D. Hugo,

D. Hugo, Anglus, monachus, & Abbas Radingæ in Anglia, scripsit *Questionum Theologicalium*, lib. 6. Deus summe uerus, & uere summus. Sunt MS. in Bibliotheca nostra s. Benedicti Mantuani.


F. Hugo, monachus Floreffiensis, congregationis Cluniacensis, scripsit anno 1227.

De uita s. Iuetæ uiduæ reclusæ, lib. 1. qui extat MS. Leodii.

F. Hugo, Gallus, monachus monasterij & congregationis Cluniacensis, circa annum Domini 1112. scripsit *De uita s. Hugonis Abbatis Cluniacensis*, lib. 1. excusus in Surio Tomo 2. die 29. Aprilis.

de uita s. Odilonis Abbatis, lib. 1.

Scriptores de Littera I. Cap. LXX.

D.  **A**CBOVS Astensis, monachus & Prior s. Benedicti de Mantua, uir pius & bonus, composuit ex operibus sanctorum Patrum, anno Domini circiter 1520.

Auctoritatum Sanctorum Patrum, lib. 1. qui est in Bibliotheca parua s. Benedicti, MS.

D. Iacobus Gandus, Florentinus, monachus monasterij s. Mariæ de Florentia congregationis Casinensis, alias s. Iustinæ de Padua, qui floruit anno 1560. scripsit sermone Italico ad magnum Hethru rix Ducem Cosmum, *Historiam prænotatam, Historia dell'uno, e dell'altro mondo, siue Historiam diuinam*, excusam Flor. an. 1571.

D. Iacobus Grassius, nobilis Capuanus, monachus monasterij s. Seuerini Neapolis, congregationis Casinensis, aliàs s. Iustinæ de Padua, I. V. D. qui etiamnum nobiscum in s. Georgio degit, scripsit *Decisionum aurearum, casuum conscientie*, lib. 4. excusos primum, Venetijs apud Damianum Zenarum anno 1591. in 4. & item apud eundem iam locupletatos & auctos an. 1593. in 4. & Taurini anno 1592. in 4. & Lugduni 1592. in 4. apud Iuntas.

Calogerus Iacobus, monachus, Græcus, sed utrum Benedictinus fuerit dubito, uir pius & doctus, scripsit quosdam sermones Græcos qui in Italia, & maxime in Casinensi Bibliotheca, ubi eos uidi, MS. conseruantur, nempe

de conceptione B. Mariæ, de duodecim tribubus Israel.
de cõceptione & Generatione eiusdem. de Sancta sanctorum.

D. Ia-